

廿二史考異

續漢書二

廿二史攷異十四

錢大昕學

郡國志

河南尹注秦三川郡高帝更名世祖都雒陽建武十五年改曰河南尹 子弟晦之曰此司馬彪本注它郡國放此

卷有垣離城或曰古衡雍 垣衡聲相近

苑陵 前志作苑陵杜預注左氏傳作宛陵苑苑宛古皆通用

成畢 畢當作皋字形相涉而譌河內郡平皋志亦譌

爲罽

河內郡 山陽邑 順帝阿母宋娥封山陽君

獲嘉侯國 馮石所封獲嘉公主子

河東郡 平陽侯國 馮奮所封平陽公主子

聞喜邑 和帝女聞喜公主

垣有王屋山兗水出 兗卽沈字古人从水字或橫寫  
如益類之類沈作兗亦是以立水爲橫水隸省爲六  
爾兗州本以沈水得名非爾字也

濩澤侯國 夏始孫劉巡所封明帝時有濩澤侯鯀鯉

有祁城山 晦之曰祁當作析

恒農郡 恒農燭水出注前志出衡山嶺下谷 晦之

曰衡當作衙

有務鄉注赤眉破李松處 劉聖公傳作務鄉音莫老

反

左馮翊 衙 漢碑作御

右扶風 喻麋侯國 耿況所封又耿弇封好時侯傳

四世至安順時尙無恙而志無此縣未知其審

右司隸校尉注曹公分關中置漢興郡國游楚爲太守

國當作以游楚事見魏志張旣傳注

郡國志二

潁川郡 襄 前志無此縣

舞陽邑 順帝長女舞陽公主

臨潁 和帝女封臨潁公主志似脫邑字桓帝時邊韶  
爲臨潁侯相蓋公主之子襲封爲侯也

汝南郡 平輿注有摯亭見說文 摯當作摯說文汝  
南平輿有摯亭讀若晉

新陽侯國 陰就所封

汝陽 按順帝季女封汝陽公主志所據者順帝時國  
籍則汝陽下宜有邑字或其時尚幼未有封邑也

新息國 國上當有侯字馬援所封

懸強侯國 陰典子博所封

安城侯國 姚期封安成侯卽此安城也前志亦期子

丹徙封葛陵光武又封劉賜爲安成侯

銅陽侯國 陰典子慶所封

安陽侯國 吳漢兄子彤所封

富波侯國 東觀記光武封皇考姊子周均爲富波侯

明陵侯國 臧宮所封

弋陽侯國 劉國所封

征羌侯國 本汝南之當鄉光武封來歙於此前志無

思善侯國 前志無

襄信侯國 前志無順帝封中黃門李元

原鹿侯國 前志無光武封陰識于此

定潁侯國 前志無順帝時封郭鎮

固始侯國故寢也光武中興夏各有寢邱 按前志汝

南郡有寢縣應劭云孫叔敖子所邑之寢邱是也世

祖更名固始又淮陽國有固始縣師古云本名寢邱

楚令尹孫叔敖所封地子意汝南淮陽地相毗連光

武封李通或兼食二縣之地而國都在寢遂移固始

之名於彼耳

山桑侯國 王常所封

梁國 穀熟 前志無光武封夏始子歆爲穀孰侯

陽故屬陳留 前志作僞應劭謂卽鄭伯克段于鄆之

鄆續志用杜預說以潁川之陽陵爲春秋之鄆而劉

昭以鄭伯克段事實之洪亮吉云京城廩延皆杜鄭

東北自陳留之僞至共道里亦近應氏說不可易也

薄故屬山陽所都 晦之云所上脫湯字

沛國 竹邑侯國 彭城靖王子阿奴所封

杼秋有澶淵聚注左傳襄二十年盟于澶淵 按春秋

之澶淵杜云杜頓邱縣南劉昭以杼秋之澶淵當之

非也



陳國 扶樂 前志無光武封劉隆爲扶樂鄉侯

武平 前志無

魯國 按建武二年封兄子興爲魯王二十八年徙封北海此後無封魯王者而志稱國不稱郡蓋自光武以魯國益封東海恭王終東京之世魯常爲東海國所屬而魯國之名未改故明帝時鍾離意和帝時汝郁靈帝時陳逸皆稱魯相而曲阜孔廟永興永壽建寧諸石刻皆有魯相之稱初不稱太守也

魯有牛首亭注左傳桓十四年宋伐鄭取牛首 按左傳之牛首杜元凱以爲鄭邑劉昭以魯之牛首亭當

之非也

水經注沙水又東南逕牛首亭東左傳宋人與諸侯伐鄭東郊取牛首者也俗謂之車牛

城矣

魏郡

陰安邑

章帝女陰安公主

鉅鹿郡

廣宗

前志無平帝元始二年封代孝王元

孫如意爲廣宗王當卽其地也順帝封宦者王成爲侯國

常山國

都鄉侯國

東京人封都鄉侯者甚多都鄉

者近郭之鄉班杜鄉侯之上非皆常山之都鄉也熊方年表於都鄉侯皆注云常山非是

常山之都鄉西京已爲侯國乃

趙頃王子景所封王奔時

絕未審東京更封何人

汝異

五

樂城注杜縣西南六十里 杜上有脫文前志無此縣  
中山國 蠡吾侯國 河間孝王子翼所封桓帝父也  
安平國 阜城故昌城 按前志昌成縣屬信都郡而  
勃海郡却有阜城縣

經 前志無安平孝王得子理封經侯

南漢國故屬涿 國當作澤按前志涿郡中山皆有漢  
澤縣而涿郡加南字續志有南漢澤無漢澤

趙國 中邱 當云故屬常山

勃海郡 浮陽侯國 光武封劉植從兄歆順帝封中  
黃門孫程程徙封宜城成又封其養子壽

郡國志三

陳留郡 封邱有桐牢亭或曰古蠡牢 古音蠡如同  
詩蘊隆蟲蟲徐仙民音徒冬反韓詩亦作炯炯故蟲  
牢轉爲桐牢也

已吾 前志無

東郡 樂平侯國 梁竦子棠所封

穀城 前志無

任城國 任城有桃聚注光武破龐萌于桃鄉 漢書  
王式東平新桃人卽此桃鄉也

泰山郡 嬴有鐵山 山字當連下句山荏縣名也

濟北國 盧有平陰城有防門有光里 光里卽春秋  
傳廣里也杜預謂防有門於門外作壘橫行廣一里  
者非是

成 前志泰山郡有式縣無成縣

山陽郡 方輿有泥母亭或曰古甯母 泥甯聲相近

金鄉 前志無

防東 前志無

濟陰郡 乘氏侯國 梁竦子雍所封

單父侯國 初封劉茂後封梁竦子翟

東海郡 按光武封子彊爲東海王侍國最久中間無

改國爲郡之事此郡字當爲國之譌

合城 前志有合鄉無合城晉書地理志東海亦祇有合鄉縣此城字必鄉之譌

琅邪國 西海 前志無西海蓋海曲之譌劉盆子傳琅邪海曲有呂毋注海曲縣名故城杜密州莒縣東卽邱侯國故屬東海 按永平中吳良左轉爲卽邱長是明帝時猶未爲侯國也

緡侯國 劉敞所封敞東海恭王之後故志云故屬東海

彭城國高帝置爲楚章帝改 按袁安傳永平十三年

楚王英謀爲逆事下郡覆考明年三府舉安能治劇  
拜楚郡太守然則國除之後本爲楚郡至肅宗遺詔  
徙封六安王恭爲彭城王乃夏爲彭城國也

下邳國 僮侯國 沛獻王子嘉所封

潘旌 前志作播旌

東城 當云故屬九江

曲陽侯國 淄川王子鳳所封

右徐州刺史部注魏氏春秋曰初平三年分琅邪東海

爲城陽新城

當作利城

昌慮郡

按魏志太祖紀建安三

年分琅邪東海北海爲城陽利城昌慮郡以臧霸傳

攷之蓋禽呂布後所置魏氏春秋以爲初平三年分者誤

郡國志四

濟南國 管有賴亭注左傳哀六年公如賴 按左傳云使胡姬以安孺子如賴此云公誤也

鄒平 按臨序傳爲鄒平侯相是鄒平嘗爲侯國也

平原郡 鬲侯國 朱祐所封

樂安國高帝西平昌置爲千乘 按文當云高帝置不應有西平昌三字其爲衍字無疑後讀宦者傳彭愷爲西平昌侯注云西平昌縣屬平原郡乃悟此三字



當屬上文平原郡而平原郡九城當爲十城因此三字錯入樂安注中校書者遂改十爲九以合見存之

數耳

北海有平昌縣故稱西以別之  
晉志平原國亦有西平昌縣

北海國 高密侯國 鄧禹所封

昌安侯國 鄧禹子襲所封

夷安侯國 鄧禹子珍所封

膠東侯國 賈復所封前志有膠東國無膠東縣

卽墨侯國 賈復子宗所封

拒 當作挺宋書州郡志挺今前漢屬膠東後漢屬北海或以琅邪之拒當之非也

東萊 曲成侯國 明帝時有曲成侯劉建韓勅碑有

曲成侯王鬲

掖侯國 歐陽欽封夜侯卽掖也傳子復以無子國除  
葛盧 前志無

不期侯國 伏湛封不其侯卽此

南陽郡 冠軍邑 順帝第二女冠軍公主

舞陰邑 安帝妹舞陰公主

復陽侯國 順帝封中黃門李建

湖陽邑 光武姊湖陽公主

育陽邑 光武女滄陽公主

涅陽 安帝妹涅陽公主食邑當有邑字

山都侯國 順帝封中黃門楊佗

鄴侯國 順帝封長樂太官丞王國

蔡陽侯國 城陽恭王子平所封後徙竟陵

安衆侯國 漢書王子侯表安衆侯丹以長沙定王子

封傳六世崇爲王莽所滅建武二年以崇從父弟寵

紹封十三年子松嗣班孟堅修史時見存

筑陽侯國 光武封吳漢子盱後徙封平春

順陽侯國 光武封族兄嘉傳子參削爲南鄉侯

成都 前志無

襄鄉 前志無

南鄉 前志無順陽侯劉參有罪削爲南鄉侯卽此

南郡 中廬侯國 順帝封中黃門孟叔

華容侯國 順帝封中黃門王康

邵侯國 淄川王終子柱所封

宜城侯國 順帝封中黃門孫程

臨沮侯國 順帝封中黃門史汎

枝江侯國 順帝封中黃門李剛

江夏郡 軟侯國 王霸子符所封

竟陵侯國 城陽恭王子平所封

靳春侯國 陳俊子浮所封

平春侯國 前志無章帝封吳漢子盱

南新市侯國 前志無

零陵郡 湘鄉 前志無

昭陽侯國 前志無

武陵郡注晉代太守趙厥 晉書厥作厥

作唐 前志無

長沙郡 湘南侯國 順帝封中黃門黃龍按順帝卽

位之始宦侍侯者十九人封邑具載范史此志於廣

宗廣不

皆屬 鉅鹿

東阿范縣

皆屬 東石

祝阿

屬 平

析屬南

陽

夷陵

屬南 下雋 屬長沙 諸縣皆不云侯國恐傳寫遺脫未必

元文之漏或云涿郡范陽縣志稱侯國王道封范縣  
侯疑是范陽之譌也

醴陵 前志無

九江郡 合肥侯國堅鐔所封

阜陵 按章和元年置阜陵國食五縣以壽春爲王都  
傳國至桓帝初暫絕而復繼與漢相終始志獨不載  
何也

廬江郡 臨湖侯國 故樂成王萇所封

龍舒侯國 明帝封楚王英舅子許昌

攷異

續漢書二

上

居巢侯國 劉般所封

六安國 明帝時有六安侯劉盱章帝嘗封弟恭爲六安王以廬江郡爲國尋復故

會稽郡 太末注初平三年分立新安縣建安四年孫

氏分立豐安縣二十三年立遂昌縣 按宋書州郡

志豐安漢獻帝興平二年孫氏分諸暨立也遂昌孫

權赤烏二年分太末立曰平昌晉武帝太康元年更

名是遂昌立縣不杜建安之世其初名亦不稱遂昌

也惟新安之分自太末則沈約志亦杜初平三年而

建安廿三年所分者則爲定陽非遂昌也若豐安爲

諸暨所分則又與太末無與矣未審孰是

章安故治閩越地光武更名注晉元康記曰

元康當本作太康

鄞縣南之迴浦鄉章帝章和元年立未詳

按鄭巨

君傳舊交趾七郡貢獻轉運皆從東冶汎海而至所云東冶卽會稽之冶縣巨君以章帝建初八年爲大司農其時尚稱東冶則非光武更名明矣又攷班志冶與回浦本是二縣意者東漢初嘗省回浦入鄞縣故有回浦鄉之稱

東部侯國

按宋書州郡志侯官前漢無後漢曰東侯

官屬會稽此東部侯國當卽東侯官之譌漢時未見



有封東部侯者也又鄭巨君傳注引太康地志云漢武帝名爲東治後改爲東侯官是章安爲回浦東侯官爲治各不相涉太康志本自瞭然志以章安爲故

治疑未可信

吳志虞翻傳太守王朗亡走浮海翻追隨營護到東部侯官侯官長閉城不受

豫章郡

注豫章縣建安立

按宋書州郡志豫寧漢

獻帝建安中立吳曰要安晉武帝太康元年更名卽謂此縣也据此注似本名豫章晉初改爲豫寧

南昌注豫章記曰江淮惟此縣及吳臨湘三縣是也

按應劭漢官云荆揚江南七郡有臨湘南昌吳三

令爾

見百官志注

蓋漢制萬戶以上爲令萬戶以下爲長

而江南七郡唯有三今此外戶口雖係祇從小縣之  
例不得置令豫章記所云正與應氏合三縣當是三  
令之譌

海昏侯國 宣帝封昌邑王賀於此王莽篡位絕建武  
初復封

石陽 前志無

郡國志五

漢中郡 襄中注有唐公防祠 防當作房漢人隸書  
房或作防因譌爲自旁

巴郡 注譙周巴記曰初平六年趙頴分巴爲二郡

按初平紀元止于四年巴記云六年者誤也趙穎三國志作趙騫

以墊江爲治所安漢以下爲永寧郡 按華陽國志趙穎建議以墊江以上爲巴郡治安漢江州至臨江爲永寧郡是安漢墊江同杜巴郡之內而安漢且爲郡治穎爲安漢人故欲移巴郡之名於安漢也此文似有誤

劉璋分巴以永寧爲巴東郡 按華陽國志改永寧爲巴郡非巴東也

廣漢郡 德陽 前志無

蜀郡 八陵 前志有蠶陵無八陵晉志亦作蠶陵

健爲郡 南安有魚泣津 晦之云泣當作涪吳漢傳

漢與公孫述將魏黨公孫永戰于魚涪津注云杜南

安縣北臨大江

劉昭注引蜀郡賦注作魚符津符治亭相近也

荷節 前志有符無荷節疑荷乃符之譌而行一節字

也水經江水東過符縣注引符有先絡樊道有張帛

是後漢亦名符縣矣或謂東京改名符節晉時復爲

符者非也

牂牁郡 進乘 前志作進桑

越嶲郡 三縫 前志作三絳

益州郡 母撥 說文撥从木此从手誤前志亦作撥  
同瀨注地道記曰銅虜山米水所出 前志云談虜山  
述水所出銅談聲相近米卽述也縣蓋以山得名瀨  
虜聲亦相近前志同作銅

廣漢屬國都尉 都尉二字衍

隴西郡 鄣 前志無

漢陽郡 顯親 前志無光武封寶融弟友爲侯國

武都郡 羌道 當云故屬隴西

安定郡 烏枝 前志作烏氏師古讀氏爲支梁統傳  
亦作烏氏

酒泉郡

福祿

前志作祿福魏志龐涓傳及皇甫謐

列女傳敬龐娥亭云祿福趙君安之女又云祿福長  
尹嘉曹全碑亦云拜酒泉祿福長則知作福祿者誤  
也

表氏

前志作表是是氏古通用也靈帝紀光和三年

表是地震涌水出

沙頭

前志作池頭魏志閻溫傳攻酒泉沙頭乾齊二

縣

延壽

前志無

敦煌郡

拼泉

當作酒泉

張掖居延屬國 居延注獻帝建安末立爲西海郡

按晉志西海郡故屬張掖漢獻帝興平二年武威太守張雅請置獻帝起居注建安十八年復禹貢九州雍州部已有西海郡是西海立郡不杜建安之末也太原郡 榆次有鑿壺注引史記曰韓魏殺智伯埋于鑿壺之下 壺當作臺字形之訛

五原郡 河陰 當作河陰

雲中郡 箕陵 前志無

右并州刺史部郡九注古今注曰建武十一年十月西河上郡屬魏 魏字誤按光武紀建武十一年省朔

方牧并并州此西河上郡必朔方刺史所部至是始  
屬并州耳班史馮野王爲上郡太守朔方刺史蕭育  
奏封事薦之是上郡屬朔方部之證也注文當有脫  
漏又因下引魏志而行一魏字耳

涿郡 北新城 當云故屬中山

廣陽郡世祖省并上谷永平八年復 和帝紀永元八  
年九月復置廣陽國此永平當爲永元之譌

代郡 北平邑 章帝女平邑公主章懷注平邑屬代  
郡前志無北字

上谷郡 甯 前志作寧古書寧與甯通廣甯縣前志



亦作廣寧

漁陽郡

儻奚

前志作犀奚

遼東郡

無慮

此下當有有醫無慮山五字

候城

按元菟郡有候城云故屬遼東則此候城爲行

文矣

樂浪郡

樂都

前志無

遼東屬國

昌遼故天遼

洪亮吉日水經注白狼水

又東北逕昌黎縣故城西地理志云交黎也應劭曰

今昌黎然則昌遼故天遼當作昌黎故交黎也予謂

黎遼聲相近故昌黎亦作昌遼猶烏氏爲烏枝犀奚

爲僣奚也

無慮有醫無慮山 晦之曰安帝紀元初二年鮮卑圍  
無慮縣又攻夫犁營注云無慮屬遼東郡有醫無慮  
山因以爲名夫犁縣名屬遼東屬國鮮卑傳注亦同  
桂夫空然則章懷所見本遼東屬國有夫黎無無慮  
作扶黎也無慮既屬遼東不應重出竊意此無慮當是夫犁  
之譌因聲相近而誤耳此有醫無慮山句當移於遼  
東無慮之下

南海郡 增城 前志無

交趾郡 蒼冷 說文作蒼冷

漢書地理志凡郡國百三世祖中興省郡國十明帝置郡一章帝置郡國二和帝置三安帝又命屬國別領比郡者六至于孝順凡郡國百五今以志攷之世祖省郡國十廣平真定河間城陽泗水淄川高密膠東六安廣陽也明帝置永昌郡章帝置任城國和帝置濟北河間廣陽三國安帝置蜀廣漢犍爲張掖居延遼東屬國順帝置吳郡合之得郡國百有五此失載順帝所置之郡又稱章帝置郡國二故總數雖合而實不合也然章帝所置任城國之外尙有阜陵一國則其云置郡國二者本自無誤而志不載阜陵者

或所據版籍正杜永嘉本初之閒阜陵絕而未繼之  
時乎

百官志一

注西曹掾安衆鄭均 此又一鄭均

百官志二

博士祭酒一人六百石本僕射中興轉爲祭酒 本僕  
射上當有本注曰三字

太子樂令一人六百石 太子當作大子明帝紀永平  
三年改大樂爲大子樂注引漢官儀云大子樂令一  
人秩六百石

百官志三

侍中本注曰無員 按朱穆傳言漢家舊典置侍中中

常侍各一人黃門侍郎一人宦者傳永平中始置員  
數中常侍四人小黃門十人自明帝迄乎延平其員  
稍增中常侍至有十人小黃門二十人此志於侍中  
中常侍黃門侍郎小黃門皆云無員亦未漢攷耳

丙署長七人皆四百石黃綬 黃綬二字疑衍公卿以  
下綬制已見輿服志不應單出此條

百官志四

中官僕一人千石本注曰宦者主馭本注曰太僕秩二

千石中興省太減秩二千石 下注字衍謂本名太僕後省太字也減秩二千石當云減秩千石

百官志五

注建安十八年復禹貢九州雍州得恒農京兆左馮翊右扶風上郡安定隴西漢陽北地武都武威金城西平西郡張掖張掖屬國酒泉敦煌西海漢興永陽東安南凡二十二郡 按廿二郡之名不見于郡國志

者凡六西平郡蓋分金城置

晉志領西都臨羌長寧安廣四縣西郡

蓋分張掖置

晉志領日勒剛丹仙提萬歲蘭池五縣西海郡獻帝興平

二年置卽張掖居延屬國也

晉志領居延一縣漢興郡蓋曹

公分關中置承陽郡則獻帝初平四年分漢陽置也  
惟東安南一郡無可攷疑本作南安而行東字耳秦  
中記中平五年分漢陽置南安郡晉志南安郡領獮  
道新興中陶三縣

豫州部郡本有潁川陳國汝南沛國梁國魯國今并得  
河南滎陽都尉凡八郡 按東漢始以屬國都尉領  
城比于郡守嗣後內地分置都尉亦得稱郡晉泰始  
初置滎陽郡蓋因魏之滎陽都尉也魏志李通傳太  
祖分汝南二縣以通爲陽安都尉而趙儼傳云袁紹  
遣使招誘豫州諸郡惟陽安郡不動而都尉李通急

錄戶謂此亦以都尉爲郡之證也裴松之引魏略云  
李勝嘗爲熒陽太守當杜襲主似魏世已有熒陽郡  
矣

凡州所監都爲京都置尹一人 按京都置尹一人志  
正文也上六字乃注文譌舛不可通子謂監都之都  
當作部以上文云某州部郡國若干因解部字義以  
足成之當云凡州所監爲部字譌又偵倒其文耳  
公主所食湯沐曰國 國當作邑

本注曰太僕比二千石武帝改但曰僕 注字衍此言  
王國之僕其初亦稱太僕武帝時始去太字耳



謁者比四百石本注曰掌冠長冠本員十六人後減  
此注疑有脫誤據太子洗馬注云員十六人職如謁  
者則王國之謁者亦宜有十六人矣漢朝謁者掌賓  
贊受事及上章報問則王國之謁者所掌亦宜如之  
或云掌冠長別是一官如禮樂長衛士長之類則員  
不得若是之多也

輿服志上

屬車四十六乘 當作三十六乘

黃綬武官伍伯

句

文官辟車

謂黃綬武官導從用伍

伯文官導從用辟車也漢制四百石至二百石皆黃

授

幹下侍閣 明帝紀注引作鈴下 魏志管輅傳所謂老  
鈴下也

主縣假給辟車鮮明卒 洪氏隸續載漢碑盩象有鮮

明騎

輿服志下

尚書皋陶篇 伏生今文尚書以益稷合于皋陶謨故  
引日月星辰山龍華蟲之文爲皋陶篇也

記曰知天者冠述 述讀如聿詩聿脩厥德漢書引作  
述修尔雅通自也孫炎云通古述字聿與通同故鵠

冠字亦爲述也

簪以瑋瑁爲飾 簪卽掃字所以摘髮詩所謂象掃也  
南山豐大特 獸名見史記秦本紀

類漢書二

三國志一

廿二史攷異十五

錢大昕學

裴松之表上按舊聞傷撫遺逸 按松之注所引書

有讖承後漢書字偉平吳武陵太守司馬彪續漢書字紹統晉

華嶠漢書字叔駿晉少府張璠漢紀袁宏漢紀字彥伯晉東陽太守隋志

作後漢紀王沈魏書字處道魏魚豢魏略魏郡韋驥吳書

字宏嗣胡沖吳歷晉尚書郎張勃吳錄環氏吳紀名濟晉太學博士

士陰澹魏紀官左將軍袁暉獻帝春秋一作暉字思光孔衍漢魏

春秋字舒元晉孫盛魏氏春秋孫盛晉陽秋字安國晉祕書

監習鑿齒漢晉春秋字彥威晉王隱晉書字處叔晉

攷異

三國志一

一

虞預晉書

字叔寧晉散騎常侍

干寶晉紀

字令升晉散騎常侍一作晉書劉艾

靈帝紀獻帝紀

漢侍中

樂資山陽公載記

晉著作郎獻帝起

居注

不詳撰人

魏武故事

不詳撰人

司馬彪九州春秋

記漢末事王

梁英雄記

隋志謂漢末英雄記

曹瞞傳

吳人作無姓名郭頒世語作班

晉襄陽令隋志

虞溥江表傳

字九源晉都陽內史

魚豢典略魏

末傳

不詳撰人

獻帝傳

不詳撰人

譙周蜀本紀

字允南

土隱蜀記

傅暢晉諸公贊

字世道晉祕書丞

秦始皇起居注

李胤撰陸機晉

惠帝起居注

字士衡晉平原內史

孫盛魏世譜蜀世譜三朝錄

不詳撰人

晉百官名

裴云不知誰所撰也皆有題目亦作百官名志

晉百官表

上一

晉中經簿

荀勗撰字公曾晉中書監

三輔決錄

趙岐撰晉先

賢行狀

不詳撰人唐書藝文志有李氏海內先賢行狀三卷

魏名臣奏

不詳撰人漢

末名士傳

不詳撰人

張儼默記

吳大鴻臚

魏文帝典論蔣濟萬

機論

字子通魏太尉

傅子

晉司隸校尉傅休奕撰

袁子

晉給事中袁準撰號正論

馬彪戰略葛洪抱朴子

字稚川

虞喜志林

字仲享晉徵士殷基

通語

吳零陵太守

應劭風俗通

字仲遠

張華博物志

字茂先

實按神記荀易文章敘錄華虞文章志

一名文章流別志

疑要注

字仲治晉太常

杜氏新書

不詳撰人名似

顧愷之啟

蒙注徐衆三國評

隋志有三國志評二卷徐爰撰未知卽此否

孫盛異同

評記

或作異同雜語又作異同記又作雜記其實一書也

孫綽評

字興公晉廷尉

年地記

不詳撰人

皇甫謐帝王世紀高士傳逸士傳列女

傳俱謚撰張隱文士傳隱一作騰一作汝南先賢傳

魏周字士安陳畱耆舊傳魏故騎侍零陵先賢傳不詳楚國

先賢傳言張陳壽益部耆舊傳益部耆舊雜記蜀陳

伯字中會稽典錄虞頂華陽國志常彖王範交廣二州

春秋廣州大中正王隱交廣記荀綽九州記字彥舒

也晉下邳太守有襄陽記不詳異物志後漢議郎陸

氏異林不詳撰列異傳隋志魏葛洪神仙傳應璩書

林字休山濤啟事字巨衛恆四體書勢序字巨山晉

左思蜀都賦字太庾闡揚都賦字仲初荀及荀氏家

傳表氏世紀廬江何氏家傳會稽邵氏家傳傳暢爽

氏家記庾氏孫氏阮氏嵇氏孔氏劉氏陳氏王氏郭

氏諸葛氏崔氏之譜鄭元荀彧禰衡邴原吳質劉廙

任姪王弼

何劭作傳

孫資潘康

兄喜作傳

華佗管輅

弟辰作傳

趙雲

費祿虞翻諸葛恪荀勗程曉潘岳潘尼孫惠盧諶機

雲之別傳王朗家傳陸氏世頌陸氏祠堂像贊高貴

邴公陳思王王朗諸葛亮傅咸姚信張超之集凡百

四十餘種其與史家無涉者不杜數內

中書侍郎西鄉侯臣裴松之上 宋書南史俱失載

西鄉侯

魏



武帝紀

遷爲濟南相國有十餘縣 續漢志濟南國領十縣或  
漢末更有增置之縣故云十餘縣

建安元年斬辟邵等 謂劉辟黃邵 按建安五年汝南降賊

劉辟等叛應表紹見下文及蜀先主傳則此時無斬  
辟之事紀文有誤

三年分琅邪東海北海爲城陽利城昌慮郡 按城霸

傳太祖禽呂布索得霸見而悅之使霸招吳敦尹禮  
孫觀觀兄康等太祖以霸爲琅邪相敦利城禮東莞  
觀北海康城陽太守是東莞亦此時所置也昌慮郡

建安十一年省入東海利城郡未審何時并省黃初  
六年利城郡兵蔡方等以郡反殺太守徐質則魏初  
尙有之

六年汝南賊共都等 蜀先主傳作冀都冀與共古字

通

八年東平呂曠呂詳叛尙 袁紹傳詳作翔

九年尙懼故豫州刺史陰夔及陳琳乞降 故上當有

遣字

十一年鑿渠自呼池入派水注派音孤 派當作孤从

瓜得聲今譌爲支派字

十二年尙熙與蹋頓遼西單于樓班右北平單于能臣  
抵之等將數萬騎逆軍 以烏丸鮮卑傳攷之右北  
平單于乃烏延非能臣抵之其名能臣氏者則代郡  
烏丸非右北平也氏與抵音相近

遼東單于速僕丸 烏丸傳作蘇僕延譯音無定字也  
彼傳前稱烏丸大人蘇僕延後稱速附丸亦卽一人  
古音附如僕

十六年與韓遂楊秋李暭咸宐等叛 暭當作堪

十七年割河內之蕩陰朝歌林慮東郡之衛國頓邱東  
武陽發千鈿鹿之瘦陶曲周南和廣平之任城趙之

襄國邯鄲易陽以益魏郡 按光武并廣平國入鉅

鹿郡此後未見復置疑廣平下衍一之字任城屬兗

州不當以益魏郡蓋亦衍一城字或據劉昭注續漢

志引此文作廣平之廣平任城似當時已有廣平郡

狀獻帝起居注建安十八年冀州部三十二郡不數

廣平晉志亦云廣平郡魏置則劉注廣平之三字明

是行文不足據以爲證

國本後漢書無此三字

十九年省安東永陽郡 按獻帝起居注初平四年分

漢陽爲永陽郡安東之名則前志無之惟晉志載靈

帝置南安郡亦漢陽郡地也續百官志注引獻帝起

居注建安十八年復禹貢九州雍州領二十二郡東  
安南居其一子初疑爲南安之譌此紀上文有南安  
字似所省之安東亦卽南安之譌矣然明帝紀太和  
二年天水南安安定三郡吏民叛則南安仍未并省  
也何承天以爲南安郡魏分天水立然魏志亦無明  
文或者建安已省而復置於魏初乎

二十年分漢中之安陽西城爲西城郡置太守分錫上  
庸郡置都尉 按是歲曹公始得漢中分其地立西  
城上庸二郡其時尚有房陵郡亦漢中所分而紀不  
之及者非曹公所置也攷續漢志房陵縣注引巴漢

志建安十三年別屬新城郡房陵卽新城所治故亦稱房陵郡矣紀云上庸置都尉而蜀志劉封傳封與孟達會上庸上庸太守申耽舉眾降則上庸亦置太守也建安廿四年蜀先主取漢中而西城三郡亦歸於蜀其明年孟達背蜀降魏文帝并房陵上庸西城三郡爲新城郡以達爲太守治上庸又以申儀爲魏興太守屯洵口自是漢中入蜀而新城魏興入魏一郡之地分屬兩國矣

於是分巴郡以胡爲巴東太守漢爲巴西太守 按巴西巴西二郡乃劉璋所分其地久屬益部但遙假以

名耳朴胡杜漫尋爲蜀先主所殺曹公不能有其地也

初置名號侯 按黃初元年以漢諸侯王爲崇德侯二  
年封孔羨爲宗聖侯皆名號侯也

注又置關內外侯十六級 內字疑衍

二十三年代郡上谷烏丸無臣氏等叛 按任城王彰  
傳止言代郡烏丸反疑上谷二字衍也無臣氏卽能  
臣氏之譌

文帝紀

注春秋玉版識曰代赤耆者魏公子 卽上文所云孔

子玉版也

或以雜文爲蒙 古書蒙與厯通詩秦風蒙伐有苑鄭  
云蒙厯也畫雜羽之文于伐故曰厯伐又邶風狐裘  
蒙戎春秋傳作厯茸故蒙有雜文之訓易雜卦傳蒙  
雜而著

兩日昌字 按說文昌从日从日不从兩日尹敏謂識  
書中多近鄙別字如土乙力爲地人十四心爲德及  
此類皆是

柏城子高以義爲貴 柏城莊子作伯成

昔光和七年歲杜大梁武王始受命爲時將討黃巾是



歲改元爲中平元年建安元年歲復杜大梁 按古  
法歲星百四十四年而超一次依三統術漢元年歲  
杜鶉首孝武太初元年歲在星紀至太始二年超壽  
星入大火則光武建武二十六年當超大火入析木  
獻帝興平元年當超析木入星紀依此推算中平元  
年歲當在元枵建安元年歲當杜辰皆與蘇林等所  
言差二三次其故何在蓋後漢用四分術歲星日行  
四千七百廿五分之三百九十八約三百九十三年  
而超五次則每七十八九年即超一次自漢元年歲  
杜鶉首至中平之元凡三百九十年當超五次故中

平初得杜大梁也

黃初元年京都有事於太廟 晉史臣避景帝諱稱京師爲京都或曰京邑

二年授楊彪光祿大夫 按魏紀惟太傅太尉大司馬大將軍司徒司空驃騎大將軍車騎將軍衛將軍除免葬皆書楊彪爲光祿大夫朝見位次三公劉放孫資加左右光祿大夫議同三司故特書之然亦不書其卒惟資以驃騎將軍亦書薨也蜀志惟丞相司徒大司馬大將軍得書吳志則丞相大將軍大司馬太尉司徒司空得書而輔吳將軍張昭以耆德舊臣亦

書卒

三年三月乙丑立帝弟鄆陵公彰等十一人皆爲王

今以諸王傳攷之是年以皇弟封王者任城王彰章

陵王據下邳王宇譙王林北海王象陳留王峻河間

王幹弋陽王彪盧江王徽凡九人紀云十一人似誤

也鄆城王植以四月戊申封與任城諸王不同日且

是縣王非郡王

任城諸王皆由公進封惟植以弄貶侯故不得郡王

故不杜此

數又攷文帝子以黃初三年封王者凡六人平原王

叡河東王霖京兆王禮淮南王邕清河王貢廣平王

儼本紀惟載叡霖二人亦未免闕漏

明帝紀

太和二年分新城之上庸武靈巫縣爲上庸郡錫縣爲錫郡 按黃初元年并西城房陵上庸爲新城郡以孟達爲太守至是達誅復分其地爲三也武靈當作武陵本前漢舊縣屬漢中後漢并省疑蜀先主更置也巫縣疑亦蜀所置晉志謂之北巫以南郡有巫縣也

三年詔曰禮皇后無嗣擇建支子以繼大宗則當纂正統而奉公義何得復顧私親哉 按漢成帝立定陶王爲太子太后欲令傅太后丁姬十日一至太子家

成帝曰太子承正統當共養陛下不得顧私親及哀  
帝卽位追尊定陶其皇師丹議禮子亡壽父之義爲  
人後者爲之子故爲所後服斬衰三年而降其父母  
替明尊本祖而重正統也魏武帝未立太子崔琰言  
五官將仁孝聰明宜承正統齊王芳廢羣臣奏高貴  
鄉公文皇帝之孫宜承正統蓋古人言正統者皆主  
嫡子承祧及爲後大宗之義喪服傳云大宗者尊之  
統也又云正體於上又乃將所傳重也正統二字實  
出於此後儒紛紛聚訟皆郢書燕說也

四年六月戊子太皇太后崩 后妃傳作五月

六年改封諸侯王皆以郡爲國 按是年改封郡王者

任城王楷子彭陳王植彭城王據燕王宇沛王林中山

王袞陳雷王峻琅邪王敏范陽王 趙王幹 楚王彪 東

平王徽曲陽王茂北海王蕤東海王霖梁王悌元城

子魯陽王 溫 邯鄲王 凡十六人又黃初六年改封諸

王爲縣王此事亦當載於本紀

陳思王植薨 諸王薨例不書諡思字衍

青龍二年二月乙未太白犯昴惑 宋書天文志作已

未按下文有癸酉乙未與癸酉相去三十九日不得

柱一月當從宋志

景初元年分魏興之魏陽錫郡之安富上庸爲上庸郡  
省錫郡以錫縣屬魏興郡 按魏興郡志不言何年  
置以劉封傳證之當杜黃初元年也魏陽縣晉宋二  
志皆無之

九月皇后毛氏卒 按嘉平三年皇后甄氏書崩此悼  
后以不得其死故變文書卒也文帝黃初二年夫人  
甄氏非后而亦書卒蓋以子貴錄其母然兩后書葬  
而甄夫人不書葬至追諡爲后改葬乃書

分襄陽臨沮宜城旌陽卽四縣置襄陽南部都尉 旌

陽卽旌陽

二年二月癸丑月犯心距星 宋志作己丑誤

分沛國蕭相竹邑符離新錡龍亢山桑浹虹十縣爲汝陰郡 按晉志汝陰郡統八縣與此無一同者疑此有誤也山桑縣續漢志屬汝南

宋縣陳郡苦縣皆屬譙郡 宋縣卽宋公國也後漢屬汝南晉屬汝陰

以沛杼秋公邱彭城豐國廣戚并五縣爲沛王國 豐本屬沛今繫彭城之下恐誤豐嘗爲王國故有豐國之稱

帝曰司馬懿臨危制變 承祚書稱司馬懿必云宣王



惟此稱名蓋述帝語不得云宣王也然亦後人追改  
蜀後主傳魏使司馬懿由西城魏司馬懿張郃救祁  
山李嚴傳平說司馬懿等開府辟召吳主傳聞司馬  
懿南向又司馬懿前來入舒旬日便還諸葛恪傳加  
司馬懿先誅王凌續自隕歟皆後人所追改也魏三  
少帝紀書中撫軍司馬炎者二書中墨將軍司馬炎  
撫軍大將軍新昌鄉侯炎晉太子炎者各一壽爲晉  
臣不當斥武帝名蓋亦後人所改

齊王芳紀

景初三年以遼東東沓縣吏民渡海居齊郡界 續漢

志遼東郡有沓氏縣

正始元年以遼東汶北豐縣民流徙渡海 續漢志遼

東郡有汶縣

班志汶  
作文

無北豐縣

嘉平六年注廷尉定陵侯臣繁 繁當作毓

少府臣衷 衷當作表此時公卿列名者四十六人以

本志及晉書考之太尉長社侯孚者司馬孚也大將

軍武陽侯師者司馬師也司徒萬歲亭侯柔者高柔

也司空文陽亭侯沖者鄭沖也行征西安東將軍新

城侯昭者司馬昭也衛尉昌邑侯偉者滿偉也太僕

疑者庾疑也廷尉定陵侯毓者鍾毓也大鴻臚芝者

魯芝也大司農祥者王祥也少府表者鄭表也永寧  
衛尉禎當是何禎也司隸校尉頴目侯曾者何曾也  
河南尹蘭陵侯肅者王肅也中護軍永安亭侯望者  
司馬望也武衛將軍安壽亭侯演當是曹演也中堅  
將軍平原侯德者甄德也屯騎校尉關內侯陔當是  
武陔步兵校尉臨晉侯建當是郭建軼聲校尉安陽  
鄉侯溫當是甄溫侍中曰小同者鄭小同也曰顛者  
荀顛也曰鄴者趙鄴也曰博平侯表者華表也侍中  
中書監安陽亭侯誕者韋誕也散騎常侍曰瓌者當  
是司馬孚之子瓌曰關內侯芝者郭芝也尙書僕射

光祿大夫高樂亭侯毓者盧毓也尙書曰觀者王觀也曰嘏者傅嘏也曰亮者袁亮也曰贊者崔贊也曰騫者陳騫也中書令康者孟康也博士峻者庾峻也晉書任愷傳父昊魏太常此奏有太常晏晏昊字形相似疑卽其人也光祿大夫關內侯孫邕見論語集解序荀彧孫冀與司馬景王文王親善官至中領軍此奏有中壘將軍昌武亭侯廙疑卽冀也永寧太僕閔大長秋模城門校尉憲越騎校尉睢陽侯初長水校尉關內侯超散騎常侍儀御史中丞鈐博士範八人未詳其族姓

太后遭合陽君喪 太后母杜氏也后妃傳作邵陽

高貴鄉公紀

正元二年閏月壬子司馬景王薨于許昌 晉書作辛

亥

甘露元年注帝慕夏少康因問顛等 按少康之論意  
常杜司馬氏也聰明太露終爲權臣所忌失艱貞自  
晦之義能處此者其後周武帝乎

王肅云堯順考古道而行之 按王肅卒于是年而其  
說已爲博士所習進講人主之前蓋肅兼通諸經強  
辯求勝又以三公之子早登顯要易爲人所信從也

博士馬昭 按毛詩正義往往載馬昭說卽其人也昭  
說經主鄭氏與王肅多異

注惟正始三年九月辛未朔二十五日乙未直成子生  
按高貴鄉公以甘露五年遇弑歲杜庚辰年纔二  
十計其生年當杜正始二年辛酉此云三年者傳寫  
之譌也攷通鑑目錄正始二年九月正是辛未朔是  
歲閏六月立冬在九月望後月建於亥故未直成日  
三年注東里袞後爲于禁司馬見魏略游說傳 按魚  
豢魏略今已不存其諸傳標目多與宅史異如董遇  
賈洪邨鄆淳薛夏隗禧蘇林樂詳七人爲備宗傳常

林吉茂沐茲時苗四人爲清介傳脂習王脩龐清文  
聘成公英郭憲單固七人爲純固傳孫資碩祝公道  
楊阿若鮑出四人爲勇俠傳王思諸人爲苛吏傳並見  
乘氏田疇管寧徐庶胡昭諸人爲知足傳見乘書及此  
游說傳是也王粲蘇欽阮瑀陳琳路粹諸人合傳焦  
先扈累寒貧諸人合傳當亦有目今不可攷矣若秦  
朗孔桂之爲佞倖傳則沿遷固之舊目也

四年分新城郡復置上庸郡 按景初元年復置上庸  
郡自後未見并省之文

附清王與絕

景元元年進大將軍司馬文王位爲相國封晉王增封  
二郡并前滿十 按甘露三年以并州之太原上黨  
西河樂平新興雁門司州之河東平陽八郡爲晉公  
國此又增司州之恒農雍州之馮翊二郡

咸熙元年相國參軍事徐紹 晉書作徐劭  
后妃傳

文德郭皇后安平廣宗人也 按續漢志廣宗屬鉅鹿  
郡不屬安平晉志始屬安平蓋沿魏之舊

袁紹傳

韓馥長史耿武別駕閔純治中李歷諫劾 後漢書紹



傳亦載此事同時進諫者有騎都尉沮授無李歷

公孫瓚傳

朝議以宗正東海劉伯安既有德義 按紀事之文當

稱名承祚志多有稱字者如此傳之劉伯安 虞 管寧

傳之陳仲弓 是 許靖潘濬尹默傳之宋仲子 忠 張裔

傳之許文休 靖 彭荒傳之秦子勅 交 尹默傳之司馬

德操 徽 秦宓傳之任定祖 安 譙允南 周 顧雍傳之蔡

伯喈 邑 士燮傳之劉子奇 陶 皆是若孫炎之稱叔然

則以避晉武帝諱故也范蔚宗史亦好稱人字如郭

林宗賈偉節黃子艾和陽士董子儀嚴子陵之類甚

多

公孫度傳

分遼東郡爲遼西中遼郡置太守 晉書地理志帶方

郡公孫度置本傳却不載而於東夷傳見之

太和二年淵裔奪恭位明帝卽位拜淵揚烈將軍遼東太守 按明帝以黃初七年卽位其明年改元太和傳以明帝卽位承太和二年之下誤也位字當是衍文

曹仁傳

從攻費華卽是開陽謙

陶謙

遣別將救諸縣

按卽是屬

攷異

三國志一

六

青州之北海郡陶謙爲徐州牧未得有其地疑是卽  
邱之譌

夏侯太初傳

緇緇紛紛 卽書泯泯芬芬也泯緇聲相近漢書敘傳  
作泯泯紛紛

清河王經注世語曰經字彥偉 管輅傳注字彥緯當  
从采旁

荀彧傳

祖父淑字季和朗陵令 當從司馬彪書張璠紀作朗  
陵侯相

永漢元年舉孝廉 後漢書作中平六年及獻帝以中  
平六年九月卽位改元永漢兩號實杜一年

國淵傳

樂安蓋人也 按蓋縣屬泰山不屬樂安蓋當爲益字  
之譌

田疇傳

舊北平郡治杜平岡道出盧龍達于柳城 前漢志右  
北平郡有平剛縣卽平岡也

疇自以始爲居難 居當作君

王脩傳

次異

三國志

七

行司金中郎將 按陳琳爲表紹檄稱操特置發邱中  
郎將摸金校尉卽謂此也韓暨傳就加司金都尉  
郿原傳

注國之將隕釐不恤緯 釐古菱字說文無菱  
司馬芝傳

以芝爲管長 管當作菅濟南有菅縣故下文有馳檄  
濟南之語

王朗傳

東海郡人也 郡當作郟

蔣濟傳

楚國平阿人也 按平阿縣前漢屬沛後漢屬九江晉屬淮南魏以九江郡爲楚王國故平阿屬楚

司馬朗傳

以期爲伊顏之徒雖非聖人使得數世相承太平可致伊顏以下乃朗駁鍾繇王粲之論當云朗以爲今本誤顛倒兩字

鄭渾傳

又賊靳富等脅將夏陽長邵陵令并其吏兵入磴山

按馮翊無邵陵縣若汝南之召陵則與馮翊遠不相涉疑卽邵陽之譌

攷異

六

樂進傳

陽平衛國人也 按衛國漢屬東郡建安十七年割衛國益魏郡尋分魏郡爲東西部衛當在東部管內黃初二年以魏之東部爲陽平郡故衛國屬陽平也晉志衛屬頓邱頓邱卽故東郡所分魏晉之際郡縣改隸無常如此

李典傳

遷離狐太守 按離狐縣前漢屬東郡後漢屬濟陰郡史無置郡之文蓋建安初暫置而卽罷耳

李通傳

分汝南二縣以通爲陽安都尉 按魏略稱通領陽安  
太守蓋以都尉行太守事也趙儼傳表紹遣使招誘  
諸郡惟陽安郡不動蓋當時都尉別領縣者亦稱郡  
矣

朗陵長趙儼 按漢制大縣置令小縣置長此與趙儼  
傳稱朗陵長而田豫傳稱除朗陵令當有一誤

閻溫傳

天水西城人也 按天水無西城縣蓋卽西縣

任城王彰傳

注帝受禪封爲中牟王 據本傳彰子楷嘗封中牟王



非彰也

沛王林傳

沛穆王林建安十六年封饒陽侯 按武帝紀注引魏

書封子豹爲饒陽侯又魏略云杜夫人生沛王豹

見 選而此傳亦稱林爲杜夫人生是林一名豹猶趙王

幹一名良也

趙王幹傳

注良年五歲而太祖疾困 按魚豢書稱良五歲失父

當生于建安二十一年丙申矣狀二十年已封亭侯

則五歲之說未得其實裴松之言楚王彪大幹二十

歲據彪以嘉平三年辛未賜死年五十七推其生年當杜興平二年乙亥幹小於彪廿歲當以建安二十一年乙未生也

### 楚王彪傳

國除爲淮南郡 按漢之楚國治彭城魏之楚國蓋治壽春卽漢九江郡也黃初二年封子邕爲淮南公以九江郡爲國三年進爵爲王明年邕徙封陳當卽爲淮南郡矣太和六年彪封楚王又改郡爲楚國彪王二十年以罪廢復爲郡也

元年爲有司所奏 當是青龍元年史脫青龍二字

和洽傳

子禽嗣注禽音離

禽當爲禽字之譌

杜襲傳

時將軍許攸擁部曲不附太祖而有慢言 此當別是

一人非南陽許攸也

裴潛傳

注建安初關中始開詔分馮翊西數縣爲左內史郡治

高陵以東數縣爲本郡治臨晉 按劉昭注續漢志

不載此事

高柔傳

昔仲尼亮司馬牛之憂 亮卽諫字據論語司馬牛憂  
無兄弟而子夏解之此云仲尼未審所出

孫禮傳

歷山陽平原平昌琅邪太守 按續漢志無平昌郡宋

志魏文帝分城陽立平昌郡而晉志載魏文增置郡  
七不及平昌者以置郡未久旋復并省也

高堂隆傳

今若有人來告權備竝修德政 按隆上疏杜明帝景

初改元以後蜀先主殂讞久矣云備誤也

通鑑備作禪

周禮天府掌九伐之則以給九式之用 按周禮天官

有大府無天府九賦之財給九式鄭氏注大府文也  
伐當爲賦則當爲財天府亦大府之譌

田豫傳

公孫瓚使豫守東州令東州當作東州縣名屬河間  
遷弋陽太守據此傳弋陽置郡當杜建安之世晉志  
謂魏文帝所置似未然

郭淮傳

討蜀護軍夏侯霸督諸軍屯爲翹爲翹當作鳥翹胡  
三省云鳥翹要地也魏屯兵守之嘉平元年降蜀將  
句安於翹上卽此地也陳泰傳亦作爲翹

徐邈傳

文帝踐阼歷譙相平陽安平太守 按晉志平陽郡魏

少帝置據此傳則文帝時已有此郡矣或云平陽當  
爲陽平

舉善而教仲尼所美 按魏晉人引論語多於教字斷

句如倉慈傳注舉善而教恕以待人 魏略令狐邵傳

舉善以教風化大行陸績傳注臣聞唐虞之政舉善

而教晉書衛瓘傳聖王崇賢舉善而教皆是也劉瓛

傳舉善而教不能則勅雖引成文亦似以四字爲句

攷應劭風俗通載汝南太守歐陽歙下教云蓋舉善

以教則不能者勸則漢時經師句讀已然矣

胡質傳

楚國壽春人也 壽春縣兩漢屬九江郡魏以九江爲  
楚王國故屬楚也吳志蔣欽稱九江壽春人則據漢  
郡縣言之

王昶傳

今屯苑去襄陽三百餘里 苑當作宛

子澤嗣 按承祚之志范頽稱其辭多勸戒然如何夔  
裴潛鄭渾杜畿陳矯衛覲賈逵王昶諸傳頗多溢美  
之詞蓋由諸人子孫杜荀顯達故增加其美而李豐

張緝輩忠於曹氏乃不得立傳曹爽何晏鄧颺之惡亦黨於司馬者飾成之初非實錄其亦異於良史之直筆矣

母邱儉傳

大戰梁口注梁音渴 梁字不當有渴音疑誤

諸葛誕傳

黃初中利城郡反殺太守徐箕 文帝紀作徐質

管輅傳

輅至列人典農王宏直許 此宏直二字名而下文單稱直蜀先主傳先書同宗劉德然父元起而後書起



孫策傳先書吳人嚴白虎而後書虎皆非史例疑傳  
寫脫去

其日乙卯則長子之候也 於卦位卯屬東方震震爲  
長男

申未爲虎 按虞仲翔說坤爲虎坤位西南杜未申之  
間也於天文參爲白虎位亦杜申

內方外員五色成文含寶守信出則有章 文與章非  
韻疑成文二字當爲文成也

夫餘傳

注昔北方有橐離之國 後漢書作索離國章懷云索

或作橐橐蓋橐之譌

南至施掩水 後漢書作掩澆水

高句麗傳

其官有相加對盧沛者古雛加主簿優台丞使者阜衣  
先人 古雛加後漢書作古雛大加謂掌賓客之官  
也優台下無丞字阜作帛

有涓奴部 後漢書作涓奴下同

州郡縣歸咎於句麗侯駒 駒當作駒下同

遼東太守蔡風 後漢書作蔡諷

官灰子伯固立 後漢書官灰子遂成立遂成灰子伯

固立此文疑有脫誤

今句麗王宮是也 按承祚作志之時位宮久已破亾  
不應云今王蓋承舊史之文

東沃沮傳

東部都尉治不耐城 漢志作不而